

# الدرس الخامس من دورة مفاتيح التدبر | كيف تستخلص رسائل القرآن | فاضل سليمان

فاضل سليمان

السلام عليكم ورحمة الله وبركاته. اهلا بحضراتكم في الدرس الخامس من دورة التدبر. تدبر القرآن اه المفتاح الثاني اللي هنتعامل معه النهاردة هو ضع نفسك في كل جملة قرآنية. وابحث عن الرسائل - [00:00:13](#)

المباشرة والغير مباشرة المرسله لقلبك ولا تبحث عن الفقه ايه هو الفرق بين الجملة القرآنية والاية القرآنية؟ بعض الناس معترضه على كلمة الجبن القرآني. انت ازاى تقول الجملة القرآنية؟ انا قلت ايه غلط يعني. اية اسمها اية لا انا ما بتكلمش عن الاية - [00:00:29](#)

انا بتكلم عن الجملة القرآنية. يعني ايه تعالوا ناخذ مسلا اية الاية مية سبعة وخمسين في سورة البقرة افتحها ربنا بيقول فيها اولئك عليهم صلوات من ربهم ورحمة. واولئك هم المهتدون - [00:00:45](#)

دي اية قرآنية لكنها ليست جملة قرآنية لان ما فيش معنى مكتمل فيها. انا مش شايف فيها معنى مكتمل. ليه؟ بتبدأ باسم اشارة اصلا اولئك هم مين؟ اذا سبق ذكر ناس - [00:01:07](#)

معينة في النص ومش موجودين في هذا الجزء من النص. تعال نرجع اية لورا نجيب الاية مية ستة وخمسين مع الاية مية سبعة وخمسين القايمه ستة وخمسين بيقول ايه؟ الذين اذا اصابتهم مصيبة قالوا انا لله وانا اليه راجعون - [00:01:21](#)

راجعون اولئك عليهم صلوات من ربهم ورحمة واولئك هم المهتدون. تمام. يبقى اولئك عليهم صلوات من ربهم ورحمة ده اسم اشارة لمين؟ للي قالوا انا لله وانا اليه راجعون. كده المعنى بقى اوضح لكنه لسه برضو مش - [00:01:43](#)

كامل ليه؟ لان الاية مية ستة وخمسين ايضا بتبدأ باسم اشارة. الذين او بضمير الذين من هم الذين اذا سبق ذكر ناس تانية في النص. نرجع كمان اية لورا هات الاية مية خمسة وخمسين. مع مية ستة وخمسين مع مية سبعة وخمسين من سورة البقرة. شف بقى كده المعنى اكتمل ولا لا - [00:02:05](#)

الاية مية خمسة وخمسين بتقول ولنبلونكم بشيء من الخوف والجوع ونقص من الاموال والانسفس ثمرات وبشر الصابرين اوصل كده وبشر الصابرين الذين اذا اصابتهم مصيبة قالوا قالوا وانا لله وانا اليه راجعون - [00:02:26](#)

اولئك عليهم صلوات من ربهم ورحمة. واولئك هم المهتدون هات بقى التلات ايات دول على بعض هاطلع لك منهم دلوقتي جملتين قرآنتين الجملة يعني معنى مكتمل هتلاقي الجملة الاولى هي جزء من الاية مية خمسة وخمسين. مش الاية كلها - [00:02:58](#)

ولنبلونكم بشيء من الخوف والجوع ونقص من الاموال والانسفس والثمرات كده جملة قرآنية بعدها وبشر الصابرين الذين اذا اصابتهم مصيبة قالوا انا لله وانا اليه راجعون. اولئك عليهم صلوات من ربهم ورحمة واولئك هم المهتدون. يبقى عندي الجزء اللي متعلم بالاخضر ده - [00:03:24](#)

جملة قرآنية وهو يمثل جزء من اية. حتى مش اية كاملة والجزء الثاني او اللي بالازرق هو جملة قرآنية اخرى تتكون من ايتين ونص فهتمت بقى اما اقول جملة قرآنية انا اقصد ايه انا اقصد معنى مكتمل - [00:03:52](#)

سواء جزء من اية او اية كاملة او ايتين او تلاتة او اربعة او خمسة قال لي يهمني جملة قرآنية ذات معنى مكتمل عشان اقدر اطلع منها رسائل ادي الفرق بين الجملة القرآنية والاية القرآنية - [00:04:10](#)

احنا دلوقتي عايزين نحط نفسنا الجملة القرآنية ونشوف الرسائل المرسله لنا ايه ناخذ الجملة الاولى ولنبلونكم بشيء من الخوف

والجوع ونقص من الاموال والانسف والثمرات حط نفسك فيها ربنا بيقول لك - [00:04:29](#)

هبتليك شوية خوف شوية جوع ونقص في الاموال والانسف والثمرات انت متخيل واقع الكلام ده عليك لما تحط نفسك فيه وانت عندك ضائقة مادية لو انت مطارد من احد المجرمين الطغاة او الانقلابيين او الناس ديا - [00:04:53](#)  
يبقى تفهم ان ربنا الاية بيكلمك ربنا بيقول لك انا هبتليك انا عارف كويس اوي ان ده حصل لك ده انا اللي مبتليك بده فدي اول رسالة مرسله الى قلبك - [00:05:15](#)

ربنا عالم بحالك ربنا هو اللي مبتليك اصلا بالابتلاء دوا الاية اللي بعدها بتقول لك ايه بقى؟ الجملة اللي بعدها وبشر الصابرين. ادي بقى اخبار حلوة البشرى للصابرين ازا صبرت على - [00:05:27](#)

ابتلاء بتاعك من نقص في الاموال او الانفس او الثمرات او الخوف او الجوع او الكلام دوة وبشر الصابرين الذين اذا اصابتهم مصيبة قالوا انا لله وانا اليه راجعون. اولئك عليهم صلوات من ربهم - [00:05:42](#)

ورحمة واولئك هم المهتدون الايات لترسل لك رسائل بتقول لك اصبر عشان ده لو صبرت هيبقى جزاءك بعد كده. هيبقى عليك رحمت من ربنا وصلوات من الله ازا الرسائل مباشرة وغير مباشرة الى قلبك في منتهى الوضوح طالعة في القرآن. مسلا تعال نروح على سورة العنكبوت - [00:05:58](#)

اول صورة العنكبوت الف لام ميم احسب الناس ان يتركوا ان يقولوا منا وهم لا يفتنون ولقد فتنا الذين من قبلهم فليعلمن الله الذين صدقوا وليعلمن الكاذبين حط نفسك في الاية - [00:06:27](#)

الف لام ميم احسب الناس طب ما انا من الناس بيبقى حاسبة انا. احاسب يا فاضل ان يتركوا ان يقولوا امنا اه هو فاضل فاكر نفسه هيتساب يدعي الايمان وهم لا يفتنون من غير ما يمتحن - [00:06:57](#)

ولقد فتنا الذين من قبلهم. يبقى ربنا بيقول ايه؟ انا فتنت اللي قبلك وليعلمن الله الذين صدقوا وليعلمن الكاذبين. هو ده اختبارك. هتطلع صادق ولا كاذب؟ انت بتدعي الايمان الاختبار بتاعك ده بيقول لك انت هيطلع النتيجة انت صادق في ايمانك ولا كاذب في ايمانك؟ يبقى تخيل بقى وقع الاية دي على نفسية انسان - [00:07:14](#)

مبتلى ويلاقى القرآن بيقول له وانت فاكر نفسك هتدعي الايمان وتتساب كده من غير ما تبلى عشان ربنا يظهر انت صادق ولا كاذب تخيل وقع الاية دي ايه تخيل التثبيت اللي هتعمله الاية دية في الانسان اللي فيه قلب الابتلاء - [00:07:36](#)

تعال نشوف سورة الحشر واحد وعشرين. افتح لي سورة الحشر واحد وعشرين ربنا بيقول لو انزلنا هذا القرآن على جبل لرأيتنه خاشعا متصدعا من خشية الله. وتلك الامثال نضرب لها للناس لعلهم يتفكرون - [00:07:58](#)

شف النهاية بتاعة الاية بتقول لك ما تكلمش. ما تكلمش قرابية اقف وتلك الامثال نضربها للناس لعلهم يتفكرون. اقف بقى وتفكر. تفكر في المثال المسال اصلا انا مش فاهمه. لا لا ركز بقى وافهم. ده مسال خطير. لو انزلنا هذا القرآن على جبل - [00:08:19](#)

لرأيتنه خاشعا متصدعا من خشية الله. حط نفسك في الاية. حط نفسك فين؟ حط نفسي فين؟ على الجبل يعني؟ لأ ربنا بيقول لك ايه؟ القرآن ده لو نزل على جبل من الخشوع هيقع يا راجل هيتهد - [00:08:41](#)

حط نفسك بقى في الاية. انت ما بتتأسررش ليه ده قرآن يهد جبال انت ما بتتأسررش ليه هو انت جبلة ما بتتأسررش ليه؟ عندك مشكلة اكيد في التعامل مع القرآن - [00:08:55](#)

لو انزلنا هذا اسم اشارة للقريب. هناك هذا اسم اشارة للقريب وذاك اسم اشارة للبعيد. هذا القرآن القريب منك المحفوظ على مكتبك المحفوظ على تربيتك اللي في شنطة ايدك اللي في في في درج التابلوه بتاع العربية بتاعتك اللي انت حاطه في اول في مدخل البيت. القرآن اللي قدامك في كل حنة - [00:09:07](#)

لو نزل على جبل هيهده انت ليه ما بياسررش فيك؟ رسالة مرسله الى القلب. رسالة وبعدين اللي وقفني ورجعني للاية اخرها تلك الامثال نضربها للناس لعلهم يتفكرون. اقف وفكر انت بتكمل ازاي؟ ازاي هتكمل على الاية اللي بعدها؟ اقف هنا بقى. اقف وفكر شوية

- [00:09:27](#)

معي ثاني. اه بس كده وولد خالتي هيسبقونا. ما يسبقوك يسبقوك في القراية. لكن انت هتسبقهم في التدابر وهتسبقهم في الفهم.

وهتسبقهم في التأثر تعال نشوف مسلا اية نتدرب كده. آآ - [00:09:47](#)

الاية في سورة المائدة الاية مية وتسعة يوم يجمع الله الرسل فيقول ماذا اجبتم قالوا لا علم لنا انك انت علام الغيوب بيتكلم عن يوم

القيامة يوم يجمع الله الرسل - [00:10:04](#)

ابراهيم ونوح وموسى وعيسى ومحمد. دول الرسل ها ربنا هيجمعهم فيقول اول ما يجمعهم فيقول ماذا اجبتم قالوا لكم ايه اقوامكم

دول ما هو جايهم بقى الاقوام واقفين والرسل بييجوا ربنا يقول لهم قالوا لكم ايه - [00:10:32](#)

عجبوكم ازاي تعرف الرسل بيقولوا ايه لا علم لنا انك انت علام الغيوب يا الهي! ازاي لا علم لنا ازاي موسى ما يقفش يقول تعاملوا

وسوا وعيسى ما يقفش يقول عملوا وسوا ومحمد ما يقفش وعملوا وسوا. لا حول ولا قوة الا بالله. ايه اللي حصل للرسل؟ ليه

بيقولوا لا علم لنا انك انت - [00:10:51](#)

الغيوب لان الرسل في حالة من الذهول هذا اليوم اصاب الرسل اللي هم اصلا مش هيتحاسبوا بالذهول فقدوا الذاكرة حط نفسك في

الاية. لو ده حال الرسل امال انت حالك هيبقى ايه - [00:11:15](#)

انت يا عاصي. انت يا مجرم. انت يا متنادي. انت يا مجرم في حق الله. حالك ايه؟ لو الرسل اللي مش هيتحاسب وصلوا عندهم حالة

من الذهول من الموقف في هذا اليوم - [00:11:35](#)

الاية مرعبة يا جماعة. ازاي بتعدي على الناس؟ يوم يجمع الله الرسل فيقول ماذا اجبتم؟ قالوا لا علم لنا. انك علام الغيوب الاية

خطيرة لكن مرة قريناها وعدت علينا عادي جدا مرور الكرام - [00:11:51](#)

تعال ناخذ تدريب سورة الاسراء الاية سبعتاشر. افتح لي سورة الاسراء الاية سبعتاشر ربنا بيقول وكم اهلكنا من القرون من بعد نوح

وكفى بربك بذنوب عباده خبيرا بصيرا ايه الرسائل المرسله الى قلبك في الاية دي؟ - [00:12:12](#)

تعالوا نشوف نفكر فيها ازاي وكم اهلكنا من القرون من بعد نوح نتكلم عن الامم التي هلكت بعد آآ رسالة نوح وكفى كفاية بربك كفى

بربك بذنوب عباده خبيرا بصيرا. ما انتاش محتاج خبير وبصير اكر من ربك ابدأ بذنوب العباد - [00:12:33](#)

نفكر فيها ازاي وكفى بربك بذنوب عباده خبيرا بصيرا. مين عباده دول انا من عباد الله انا من عباد الله يبقى الاية بتتكلم عني انا

كمان كفى بربك بذنوبي انا خبيرا بصيرا - [00:12:59](#)

وبذنوب الاخرين خبيرا بصيرا يبقى بالنسبة لي انا في رسالة وبالنسبة لي انا بالنسبة للاخرين فيه رسالة يعني ايه يعني ما تفرحش

قوي لما الناس ما يشوفوكش وانت بترتكب معصية - [00:13:17](#)

انه كفى بالله بربك بذنوبك خبيرا بصيرا ما انتاش محتاج كمان ان الناس تشوفك. كفاية ان ربنا شافك ما تفرحش بقى لما تعمل

معصية وما حدش يشوفك ربنا شافك. كفى بالله خبيرا بصيرا - [00:13:33](#)

المعنى قوي جدا جدا اسمع كمان ولو اخرين عملوا ارتكبوا معصية. وانت عرفت بالمعصية دي. هم مستترين ما تفضحهمش ما

تفضحهمش قدام الناس. كفاية ان ربنا عالم كفاية ان ربنا خبير وبصير بحالهم - [00:13:51](#)

طبعا ده المذنب في حق نفسه ذنب شخصي حد يبشر حد بيبشر حد بيبشر حد بيبشر. لكن المذنب في حق الناس يجب التحذير منه والابلاغ

عنه لكف شره. لكن على انت عرفت ان حد بيبترتكب معصية ومستتر ما تزوحش تفضحه. كفى برنا - [00:14:12](#)

بذنوب الانسان ده وخبيرا بصيرا وبالنسبة لك انت كمان لو انت ارتكبت معصية وما حدش شافك ما تفرحش كفاية ان ربنا شافك

وخبير وبصير باللي انت عملته تمام؟ طيب السؤال بقى - [00:14:31](#)

طب لو التدبر بتاعنا ده غلط نعمل ايه حاجة ايه اصلا اللي ممكن يبقى غلط في انك بتطلع رسائل من القرآن لقلبك تقربك من ربنا ولو

تدبرك ده وفهمك دوت مش صحيح. مش هينعكس عليك باي شيه سلبي طالما ان انت ما طلعتش من الاية حلال او حرام -

[00:14:45](#)

انك لو طلعت حلال غلط او حرام غلط هترتكب آآ حرام وما طلعتش افعل او لا تفعل من الاية يبقى انت هنا في الاية؟ اللي بنسموه

في السيف سايت انت كده - [00:15:11](#)

في مأمّن انت بتتدبر الاية وعمال تكتشف رسايل بترسل الى قلبك جيد الوسيقة دي بتقربك من ربنا جيد طالما ما انعكشش على

العمل حلال او حرام او افعل او لا تفعل انت في مأمّن بازن الله - [00:15:25](#)

جزاكم الله خيرا وبارك الله فيكم. نشوفكم ان شاء الله في الدرس السادس وهيكون عن البحث عن العلاقة بين نهاية الاية وجسم الاية

او ما بعدها من ايات بازن الله ابقوا معنا نراكم في الدرس السادس. والسلام عليكم ورحمة الله وبركاته - [00:15:41](#)